

Solat Dhuha bermaksud solat sunat yang dikerjakan pada waktu dhuha, iaitu pada saat matahari telah naik lebih kurang setinggi sebatang galah (kira-kira 20 minit selepas terbit matahari) hinggalah matahari berada tepat di tengah-tengah langit (sebelum menjelang Zuhur).

Anjuran Rasulullah terhadap amalan Solat Dhuha adalah sebagaimana dalam sebuah hadis Riwayat Abu Hurairah ra:

قَالَ رَسُولُ اللَّهِ ﷺ مَنْ حَافِظٌ عَلَى شُفْعَةِ الصُّحَى غُفِرَ لَهُ ذُنُوبُهُ
وَإِنْ كَانَتْ مِثْلَ زَبَدِ الْبَحْرِ.

“Telah bersabda Rasulullah SAW; Barang siapa yang memelihara jaminan (yang ada pada Solat Dhuha, terampunlah baginya dosa-dosanya, sekalipun seumpama buih di lautan”

1. Lafaz niatnya;

أُصَلِّي سُنَّةَ الصُّحَى رَكَعَتَيْنِ لِلَّهِ تَعَالَى

“Aku solat sunat Dhuha dua rakaat kerana Allah Taala”

Solat Dhuha boleh dilakukan dengan dua (2) rakaat sahaja atau boleh diulang sehingga enam (6) kali solat. Bacaan dalam solat dibolehkan membaca sebarang surah. Namun begitu dicadangkan untuk membaca surah al-Shams pada rakaat pertama dan pada rakaat kedua surah ad-Dhuha

2. Doa selesai solat Dhuha;

اللَّهُمَّ إِنَّ الصُّحَاءَ ضِحَاؤُكَ وَالْبَهَاءَ بَهَاؤُكَ وَالْجَمَالَ جَمَالُكَ
 وَالْقُوَّةَ قُوَّتِكَ وَالْقُدْرَةَ قُدْرَتِكَ وَالْعِصْمَةَ عِصْمَتِكَ . اللَّهُمَّ إِنَّ
 كَانَ رِزْقِي فِي السَّمَاءِ فَأَنْزِلْهُ وَإِنْ كَانَ فِي الْأَرْضِ فَأَخْرِجْهُ وَإِنْ
 كَانَ مُعْسِرًا فَيَسِّرْهُ وَإِنْ كَانَ حَرَامًا فَطَهِّرْهُ وَإِنْ كَانَ بَعِيدًا
 فَقَرِّبْهُ بِحَقِّ ضِحَائِكَ وَبَهَائِكَ وَجَمَالِكَ وَقُوَّتِكَ وَقُدْرَتِكَ ءَاتِنِي مَا
 ءَاتَيْتَ عِبَادَكَ الصَّالِحِينَ .

“Ya Allah sesungguhnya waktu dhuha itu, adalah waktu dhuha (milikMu), pancaran cahaya adalah pancaran cahaya (milik)Mu, (Segala) KecantikanMu itu adalah kecantikan (milik)Mu, (Apapun) Kekuatan adalah kekuatan (milik)Mu, (Apa juga) qudrat adalah qudratNya, dan (segala) perlindungan itu adalah (datang dari) perlindunganNya. Ya Allah sekiranya rezekiku ada di langit maka turunkanlah ia, jika ada di bumi keluarkanlah ia, Jika ia sukar (Kau) mudahkanlah, Jika ia kotor (Kau) suci bersihkanlah, Jika ia jauh dekatkanlah, dan jika ia hampir maka permudahkanlah, dengan kebenaran dhuhaMu, pancaran cahayaMu, KecantikanMu, KekuatanMu dan QudratMu, Berikanlah aku apa yang telah Kau telah berikan (kepada) hamba-hambaMu yang soleh.”

Solat sunat pada waktu malam sesudah bangun dari tidur walaupun sekejap (terlelap). Waktunya adalah selepas Isyak sehingga Subuh. Masanya yang lebih afdal adalah selepas 2/3 malam.

Sepertimana hadis Rasullullah s.a.w

يَنْزِلُ رَبُّنَا إِلَى سَمَاءِ الدُّنْيَا حِينَ يَجْقِي ثُلُثُ اللَّيْلِ الْأَخِيرِ فَيَقُولُ:
هَلْ مِنْ دَاعٍ فَأَسْتَجِيبُ لَهُ. هَلْ مِنْ سَائِلٍ فَأَعْطِيهِ. هَلْ مِنْ مُسْتَغْفِرٍ
فَأَغْفِرُ لَهُ حَتَّى يَطْلُعَ الْفَجْرُ.

“Allah turun ke langit dunia sepertiga yang akhir pada waktu malam, lalu berseru Adakah orang yang memohon (berdoa), pasti akan Ku kabulkan, adakah orang yang meminta, pasti akan Ku beri dan adakah yang mengharap ampun, pasti akan Aku ampuni baginya sampai tiba waktu subuh”

Firman Allah

وَمِنَ اللَّيْلِ فَتَهَجَّدْ بِهِ نَافِلَةً لَكَ عَسَى أَنْ يَبْعَثَكَ رَبُّكَ مَقَامًا مَحْمُودًا.

“Hendaklah engkau gunakan sebahagian waktu malam itu untuk solat tahajjud, sebagai solat sunat untuk dirimu, mudah-mudahan Tuhan akan membangkitkan engkau dengan kedudukan yang baik” Surah: al-Israa’, ayat: 79

1. Lafaz niat

أُصَلِّي سُنَّةَ التَّهَجُّدِ رَكَعَتَيْنِ لِلَّهِ تَعَالَى

“Aku solat sunat Tahajjud dua rakaat kerana Allah Taala”

2. Doa Tahajjud

Doa-doa yang dibaca pada waktu melakukan solat tahajjud sesudahnya sebaik-baiknya dari ayat al-Quran seperti :

i. Doa ringkas

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ .

“ Wahai Tuhan kami, berikanlah kami kebaikan di dunia dan kebaikan di akhirat dan hindarkanlah kami daripada seksaan api neraka ”

ii. Doa lebih sempurna

Dalam hadis Bukhari dinyatakan bahawa Rasulullah pada masa mengerjakan solat tahajjud akan membacakan doa berikut selepas solat :

اللَّهُمَّ لَكَ الْحَمْدُ أَنْتَ قَيِّمُ السَّمَوَاتِ وَالْأَرْضِ وَمَنْ فِيهِنَّ، وَلَكَ
 الْحَمْدُ لَكَ مُلْكُ السَّمَوَاتِ وَالْأَرْضِ وَمَنْ فِيهِنَّ، وَلَكَ الْحَمْدُ
 أَنْتَ نُورُ السَّمَوَاتِ وَالْأَرْضِ وَمَنْ فِيهِنَّ، وَلَكَ الْحَمْدُ أَنْتَ الْحَقُّ،
 وَوَعْدُكَ الْحَقُّ، وَلِقَاؤُكَ حَقٌّ، وَقَوْلُكَ حَقٌّ، وَالْجَنَّةُ حَقٌّ، وَالنَّارُ حَقٌّ،
 وَالنَّبِيُّونَ حَقٌّ، وَمُحَمَّدٌ ﷺ حَقٌّ، وَالسَّاعَةُ حَقٌّ، اللَّهُمَّ لَكَ
 أَسْلَمْتُ، وَبِكَ ءَامَنْتُ، وَعَلَيْكَ تَوَكَّلْتُ، وَإِلَيْكَ أُنَبِّتُ، وَبِكَ

خَاصَّمْتُ، وَإِلَيْكَ حَاكَمْتُ، فَاعْفِرْ لِي مَا قَدَّمْتُ وَمَا أَخَّرْتُ،
 وَمَا أَسْرَرْتُ وَمَا أَعْلَنْتُ، وَمَا أَنْتَ أَعْلَمُ بِهِ مِنِّي، أَنْتَ الْمُقَدِّمُ
 وَأَنْتَ الْمُؤَخِّرُ، لَا إِلَهَ إِلَّا أَنْتَ، وَلَا حَوْلَ وَلَا قُوَّةَ إِلَّا بِاللَّهِ.

“Ya Allah, bagiMu segala pujian. Engkaulah penegak langit dan bumi dan alam semesta serta segala isinya. BagiMulah segala puji. Engkau raja penguasa langit dan bumi. BagiMulah segala puji. Pemancar cahaya langit dan bumi. BagiMulah segala puji. Engkaulah yang benar, dan janjiMu adalah benar, dan perjumpaanMu itu adalah benar. Dan firmanMu adalah benar, dan syurga adalah benar, dan neraka adalah benar, dan nabi-nabi itu benar, dan nabi Muhammad saw adalah benar, dan saat hari kiamat itu benar. Ya Allah kepadaMulah kami berserah diri (bertawakal), kepada Engkau jualah kami kembali, dan kepadaMulah kami rindu, dan kepada Engkaulah kami berhukum. Ampunilah kami atas kesalahan yang sudah kami lakukan dan yang sebelumnya, baik yang kami sembunyikan mahupun yang kami nyatakan. Engkau tuhan yang terdahulu dan tuhan yang terakhir. Tiada tuhan melainkan Engkau Allah Rabbul ‘alamin. Tiada daya dan kekuatan melainkan dengan Allah”

3. Membaca istighfar

- i. Sesudah membaca doa banyakan **membaca istighfar yang biasa** dibaca

أَسْتَغْفِرُ اللَّهَ الْعَظِيمَ وَأَتُوبُ إِلَيْهِ.

“Aku memohon keampunan daripada Allah Yang Maha Agung dan aku bertaubat kepadaNya”

ii. Terdapat juga **istighfar yang lebih lengkap** dari Rasulullah s.a.w

اللَّهُمَّ أَنْتَ رَبِّي لَا إِلَهَ إِلَّا أَنْتَ . خَلَقْتَنِي وَأَنَا عَبْدُكَ وَأَنَا عَلَى
عَهْدِكَ وَوَعْدِكَ مَا اسْتَطَعْتُ أَعُوذُ بِكَ مِنْ شَرِّ مَا صَنَعْتُ أَبُوءُ لَكَ
بِنِعْمَتِكَ عَلَيَّ وَأَبُوءُ بِذَنْبِي فَاغْفِرْ لِي فَإِنَّهُ لَا يَغْفِرُ الذُّنُوبَ إِلَّا أَنْتَ .

“Ya Allah, Engkau tuhan kami, tiada tuhan melainkan Engkau, yang telah menjadikan kami, dan kami adalah hambaMu, dan kamipun dalam ketentuanMu serta janjiMu sedapat yang kami lakukan. Kami mohon perlindunganMu daripada kejahatan apa saja yang kami lakukan, kami mengakui kenikmatan yang telah Engkau limpahkan kepada kami dan kami juga mengakui akan dosa kami, kerana itu berikanlah keampunan kepada kami, sesungguhnya tidak ada yang memberi pengampunan kecuali Engkau”

Setelah selesai membaca doa tersebut berbaringlah di tempat tidur, sambil **membaca ayat kursi**, kemudian **surah al-Ikhlās, al-Falaq dan an-Nas**.

SOLAT SUNAT AWWABIN

Solat sunat Awwabin adalah solat sunat yang dikerjakan di antara waktu Maghrib dengan Isyak. Solat ini boleh dilakukan dengan dua (2) rakaat sahaja atau boleh diulang sehingga tiga (3) kali solat. (Enam rakaat dengan tiga salam)

Kelebihan Solat Sunat Awwabin adalah bertujuan memelihara keteguhan iman dan menghapuskan dosa. Perkataan ‘Awwabin’ sendiri berasal dari Bahasa Arab yang bererti (orang yang sering bertaubat). Ia juga dikenali sebagai Solat Sunat ‘Hifzul Iman’ (memelihara iman) maka adalah digalakkan melakukan solat sunat Awwabin/Hifzul Iman. Harus dipesankan di sini Solat Sunat Awwabin ini hendaklah dilakukan tanpa ada ‘bercakap-cakap’ selepas fardhu Maghrib.

1. Lafaz Niat solat

أُصَلِّي سُنَّةَ الْأَوَّابِينَ رَكَعَتَيْنِ لِلَّهِ تَعَالَى

“Aku solat sunat Awwabin dua rakaat kerana Allah Taala”

2. Bacaan dalam solat

- i. **(Solat Pertama)** Membaca al-Fatihah diikuti surah al-Ikhlâs enam (6) kali, surah al-Falaq sekali, dan surah an-Nas sekali pada rakaat yang pertama dan kedua kemudian disudahi dengan salam.
- ii. **(Solat Kedua)** Membaca al-Fatihah diikuti surah yang dikehendaki pada rakaat yang pertama dan kedua kemudian disudahi dengan salam.
- iii. **(Solat Ketiga)** Membaca al-Fatihah diikuti dengan surah al-Kafirun sekali pada rakaat pertama, dan surah al-Ikhlâs sekali sesudah al-Fatihah pada rakaat kedua kemudian disudahi dengan salam.

SOLAT SUNAT TASBIH

Solat sunat yang pernah diajarkan oleh Rasulullah S.A.W kepada bapa saudaranya Saidina Abbas ibn Abdul Mutalib. Di dalam solat ini dibacakan 300 tasbih.

Solat ini digalakkan mengamalkannya tiap-tiap malam, sekali seminggu, sekali sebulan atau setahun sekali dan kalau tidak boleh juga setidak-tidaknya sekali seumur hidup.

Sekiranya solat ini dilakukan siang hari maka ia mestilah dikerjakan dengan empat rakaat beserta satu salam.

Sekiranya dilakukan pada malam hari, hendaklah empat rakaat dijadikan dua salam.

1. Lafaz niatnya ialah :

أُصَلِّي سُنَّةَ التَّسْبِيحِ رَكْعَتَيْنِ لِلَّهِ تَعَالَى

“Aku solat sunat tasbih dua rakaat kerana Allah Taala”

2. Bacaan tasbih seperti :

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ .

“Maha suci Allah Yang Maha Esa, segala puji bagi Allah dan Allah zat Yang Maha Agung”

3. Tempat bacaan tasbih

1. Berdiri : Selepas membaca surah	dibaca tasbih 15 kali
2. Rukuk : selepas membaca tasbih rukuk	dibaca tasbih 10 kali
3. Iktidal : selepas membaca tahmid iktidal	dibaca tasbih 10 kali
4. Sujud : selepas membaca tasbih sujud	dibaca tasbih 10 kali
5. Duduk antara dua sujud : selepas membaca doa	dibaca tasbih 10 kali
6. Sujud kedua : selepas membaca tasbih sujud	dibaca tasbih 10 kali
7. Duduk istirahat sebelum berdiri	dibaca tasbih 10 kali
Jumlah	dibaca tasbih 75 kali

Apabila selsesai melakukan empat rakaat solat maka jumlah tasbih yang dibaca menjadi 300 kesemuanya. Sekiranya terlupa membaca tasbih pada mana-mana tempat maka boleh digantikan ditempat berikutnya.

Solat sunat ini dilakukan setelah seseorang itu melakukan dosa atau merasa berbuat dosa lalu bertaubat kepada Allah

1. Lafaz Niat

أُصَلِّي سُنَّةَ التَّوْبَةِ رَكَعَتَيْنِ لِلَّهِ تَعَالَى

“Sahaja aku solat taubat dua rakaat kerana Allah Taala”

Solat sunat taubat ini dianjurkan oleh Rasulullah S.A.W sebagaimana dalam Hadis;

مَا مِنْ رَجُلٍ يُذِيبُ ذَنْبًا ثُمَّ يَقُومُ فَيَطَّهَّرُ ثُمَّ يُصَلِّي ثُمَّ يَسْتَغْفِرُ اللَّهَ
إِلَّا غُفِرَ لَهُ ثُمَّ قَرَأَ هَذِهِ الْآيَةَ: وَالَّذِينَ إِذَا فَعَلُوا فَاحِشَةً أَوْ ظَلَمُوا
أَنْفُسَهُمْ ذَكَرُوا اللَّهَ فَاسْتَغْفَرُوا لِذُنُوبِهِمْ وَمَنْ يَغْفِرِ اللَّهُ ذُنُوبَ
إِلَّا اللَّهُ وَلَمْ يُصِرُّوا عَلَىٰ مَا فَعَلُوا وَهُمْ يَعْلَمُونَ. أُولَٰئِكَ جَزَاءُهُمْ
مَغْفِرَةٌ مِنْ رَبِّهِمْ وَجَنَّاتٌ تَجْرِي مِنْ تَحْتِهَا الْأَنْهَارُ خَالِدِينَ فِيهَا.

“Tiadalah (mendapat apa-apa) bagi sesiapa yang berbuat kesalahan dosa lalu dia bangun, kemudian berwudhuk dan seterusnya bersembahyang, selepas itu pula dia minta ampun kepada Allah, melainkan diampunkan (dosanya), kemudian membaca pula ayat ini (dari Surah Al-Imran): Dan juga orang yang apabila melakukan perbuatan keji, atau menganiayai diri sendiri, mereka ingat kepada Allah lalu memohon ampun akan dosa mereka dan tiada yang mengampunkan dosa melainkan Allah, dan mereka juga tidak meneruskan perbuatan keji mereka itu, sedangkan mereka mengetahui.(135) Mereka itu balasannya ialah keampunan dari Tuhan mereka, dan Syurga yang mengalir di bawahnya beberapa sungai, mereka kekal di dalamnya;...(136)

2. Doa Solat Taubat

i. Doa ringkas

أَسْتَغْفِرُ اللَّهَ الْعَظِيمَ الَّذِي لَا إِلَهَ إِلَّا هُوَ الْحَيُّ الْقَيُّومُ وَأَتُوبُ
إِلَيْهِ تَوْبَةَ عَبْدٍ ظَالِمٍ لَا يَمْلِكُ لِنَفْسِهِ ضَرًّا وَلَا نَفْعًا وَلَا مَوْتًا وَلَا
حَيَاةً وَلَا نُشُورًا.

“Aku mohon keampunan Allah yang Maha Agung. Tiada tuhan melainkan Dia yang maha Hidup lagi Maha Kekal dan (kepadaNya) Aku bertaubat. Taubat (dari) seorang hambaMu yang zalim, yang tidak mempunyai daya upaya, (sama ada) mahu berbuat mudharat atau manfaat atau (sama ada) ketika menghadapi maut atau menjalani kehidupan apatah lagi ketika dibangkitkan semula.”

ii. Sebaiknya dibacakan **penghulu istighfar** seperti berikut :

اللَّهُمَّ أَنْتَ رَبِّي لَا إِلَهَ إِلَّا أَنْتَ. خَلَقْتَنِي وَأَنَا عَبْدُكَ وَأَنَا عَلَى
عَهْدِكَ وَوَعْدِكَ مَا اسْتَطَعْتُ أَعُوذُ بِكَ مِنْ شَرِّ مَا صَنَعْتُ أَبُوءُ لَكَ
بِنِعْمَتِكَ عَلَيَّ وَأَبُوءُ بِذَنْبِي فَاغْفِرْ لِي فَإِنَّهُ لَا يَغْفِرُ الذُّنُوبَ إِلَّا أَنْتَ.

“Maha suci Allah, Engkaulah Tuhanku, Tiada Tuhan melainkan Engkau. Engkaulah yang telah menjadikanku. Aku adalah hambaMu dan aku (tertakluk) di atas ketentuanMu serta janji-janjiMu sedaya yang aku termampu (memenuhinya). Ku pohon perlindunganMu dari keburukan yang (aku sendiri) lakukan. Aku mengakui (sebenar-benarnya) nikmatMu ke atasku dan aku mengakui (sebenar-benarnya) dosaku. Maka ampunilah aku, sesungguhnya tiada siapa yang mengampun dosa melainkan Engkau.”

SOLAT SUNAT HAJAT

Solat sunat dikerjakan apabila mempunyai hajat tertentu dengan berharap agar diperkenankan oleh Allah S.W.T.

Bilangan rakaat adalah dua (2) dan sebanyak-banyaknya dua belas (12) rakaat

1. Lafaz niatnya ialah :

أُصَلِّي سُنَّةَ الْحَاجَةِ رَكْعَتَيْنِ لِلَّهِ تَعَالَى .

“Aku solat sunat hajat dua rakaat kerana Allah Taala”

2. Setelah selesai solat sunat hajat, duduklah dengan khusyuk sambil membaca istighfar sebanyak 100 kali

أَسْتَغْفِرُ اللَّهَ رَبِّي مِنْ كُلِّ ذَنْبٍ وَأَتُوبُ إِلَيْهِ .

“Aku mohon keampunan kepada Allah Tuhanku daripada segala dosa dan aku bertaubat kepadaNya ”

3. Diikuti dengan membaca selawat ke atas Nabi S.A.W sebanyak 100 kali

اللَّهُمَّ صَلِّ عَلَى سَيِّدِنَا مُحَمَّدٍ صَلَاةَ الرِّضَا وَارْضَ عَنْ أَصْحَابِهِ
الرِّضَا الرِّضَا .

“Ya Allah, berilah kesejahteraan atas junjungan kami Nabi S.A.W, kesejahteraan yang direndhai dan redhailah sahabat-sahabat sekalian”

4. Doa Solat Hajat

لَا إِلَهَ إِلَّا اللَّهُ الْحَكِيمُ الْكَرِيمُ سُبْحَانَ اللَّهِ رَبِّ الْعَرْشِ الْعَظِيمِ .
 الْحَمْدُ لِلَّهِ رَبِّ الْعَالَمِينَ أَسْأَلُكَ مُوجِبَاتِ رَحْمَتِكَ وَعَزَائِمَ مَغْفِرَتِكَ
 وَالْغَنِيمَةَ مِنْ كُلِّ بَرٍّ وَالسَّلَامَةَ مِنْ كُلِّ إِثْمٍ لَا تَدْعُ لِي ذَنْبًا إِلَّا
 غَفَرْتَهُ وَلَا هَمًّا إِلَّا فَرَّجْتَهُ وَلَا حَاجَةً إِلَّا إِيَّاهِ لَكَ رِضًا إِلَّا قَضَيْتَهَا
 يَا أَرْحَمَ الرَّاحِمِينَ .

“Tiada tuhan melainkan Allah Yang Maha Bijaksana dan Maha Pemurah. Maha suci Allah, Tuhan yang memelihara ‘arasy yang mulia. Segala puji bagi Allah Tuhan sekalian alam. Wahai Tuhanku, aku bermohon kepadaMu segala yang mewajibkan rahmatMu dan sesuatu yang mendatangkan keampunanMu dan mendapat keuntungan daripada segala kebajikan dan selamat dari segala dosa. Janganlah Engkau biarkan dosa pada diriku melainkan Engkau ampuni, dan jangan Engkau biarkan kesusahan melainkan Engkau beri jalan keluar, dan tiada sesuatu hajat yang mendapat kerelaanMu melainkan Engkau makbulkannya. Wahai Tuhan Yang Maha Pengasih”

5. Seterusnya melakukan sujud dan **membanyakan bacaan** ayat di bawah

لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ .

“Tidak ada Tuhan melainkan Engkau ya Allah, Maha Suci Engkau, sesungguhnya aku ini daripada golongan orang yang zalim”

SOLAT SUNAT WITIR

Solat witir adalah merupakan solat penutup setelah seseorang bangun malam melakukan qiamulail atau solat tarawih. Jumlah solat witir itu boleh dilakukan sebanyak satu (1), tiga (3), lima (5), tujuh (7), sembilan (9) atau sebelas (11) rakaat. Cara solat witir ialah dengan dua (2) rakaat satu salam dengan ditambah satu lagi solat witir satu (1) rakaat satu salam agar sempurna rakaat ganjilnya.

Solat witir adalah salah satu solat sunat yang sangat dituntut untuk dikerjakan. Dalam sebuah hadis Rasulullah S.A.W, pernah bersabda yang bermaksud:

Daripada ‘Ali r.a, Nabi S.A.W bersabda

“Sesungguhnya Allah itu witir (ganjil), dan Dia menyukai witir; maka lazimkanlah solat witir, wahai ahli al-Quran.”

(Hadis Riwayat Abu Daud, Tirmizi, Nasa’ei dan Ibnu Majah)

1. Lafaz niat witir dua rakaat :

أُصَلِّي سُنَّةَ الْوَيْتْرِ رَكْعَتَيْنِ لِلَّهِ تَعَالَى

2. Lafaz niat witir satu rakaat :

أُصَلِّي سُنَّةَ الْوَيْتْرِ رَكْعَةً لِلَّهِ تَعَالَى

3. Doa sesudah witir :

اَللّٰهُمَّ اِنَّا نَسْأَلُكَ اِيْمَانًا دَائِمًا . وَنَسْأَلُكَ قَلْبًا خَاشِعًا وَنَسْأَلُكَ
عِلْمًا نَافِعًا . وَنَسْأَلُكَ يَقِيْنًا صَادِقًا . وَنَسْأَلُكَ عَمَلًا صَاحِبًا .

وَنَسْأَلُكَ دِينًا قَيِّمًا . وَنَسْأَلُكَ خَيْرًا كَثِيرًا . وَنَسْأَلُكَ الْعَفْوَ
 وَالْعَافِيَةَ . وَنَسْأَلُكَ تَمَامَ الْعَافِيَةِ . وَنَسْأَلُكَ الشُّكْرَ عَلَى الْعَافِيَةِ .
 وَنَسْأَلُكَ الْغِنَاءَ عَنِ النَّاسِ . اللَّهُمَّ رَبَّنَا تَقَبَّلْ مِنَّا صَلَاتَنَا
 وَصِيَامَنَا وَقِيَامَنَا وَتَخَشُّعَنَا وَتَضَرُّعَنَا وَتَعَبُّدَنَا وَتَمِّمْ
 تَقْصِيرَنَا يَا اللَّهُ يَا اللَّهُ يَا اللَّهُ يَا أَرْحَمَ الرَّاحِمِينَ . وَصَلَّى اللَّهُ عَلَى
 خَيْرِ خَلْقِهِ مُحَمَّدٍ وَعَلَىٰ آلِهِ وَصَحْبِهِ أَجْمَعِينَ وَالْحَمْدُ لِلَّهِ رَبِّ
 الْعَالَمِينَ .

“Maha suci Allah kami mohon kepadaMu keimanan yang kekal, kami mohon kepadaMu hati yang khusyu’, kami mohon kepadaMu ilmu yang bermanfaat, kami mohon kepadaMu jadikan keyakinan kami pada kebenaran, kami mohon kepadaMu agar kami beramal soleh, kami mohon kepadaMu kemantapan beragama, kami mohon kepadaMu kebaikan yang banyak, kami mohon kepadaMu keampunan dan kesihatan, kami mohon kepadaMu kesenangan yang sempurna, kami mohon kepadaMu agar kami bersyukur di atas kesenangan tersebut, kami mohon kepadaMu kecukupan dalam kehidupan. Maha suci Allah Tuhan kami, Kau terimalah solat kami, puasa kami, kedudukan amalan kami, kekhusyukan kami kepadaMu, ketundukan kami kepadaMu Ya Allah Yang Maha Mengasihi (hamba-hambaNya) yang punya rasa mengasihi. Anugerah Allah lah ke atas kebaikan makhlukNya Muhammad serta ahli keluarganya juga sahabat-sahabatnya sekalian dan segala puji itu hanya bagi Allah Tuhan seru sekalian alam.”

SOLAT SUNAT ISTIKHARAH

Solat sunat yang dikerjakan bagi mengetahui penentuan dan memohon diberikan petunjuk agar mendapat keputusan yang terbaik. Istikharah lazim dipraktikkan apabila berlaku ketidakpastian dalam melaksanakan satu-satu maksud. Mudah-mudahan dengan solat sunat ini, Allah s.w.t menunjukkan petandaNya, kalau baik natijahnya, diteruskan dan kalau tidak baik, tidak akan dilaksanakan.

Solat ini dilaksanakan sebanyak dua (2) rakaat.

1. Lafaz niatnya ialah :

أُصَلِّي سُنَّةَ الْإِسْتِخَارَةِ رَكْعَتَيْنِ لِلَّهِ تَعَالَى

“Aku solat sunat Istikharah dua rakaat kerana Allah Taala”

2. Doa istikharah:

Setelah selesai berdoa, hendaklah memilih keputusan yang lebih cenderung di dalam hati.

اللَّهُمَّ إِنِّي أَسْتَخِيرُكَ بِعِلْمِكَ وَأَسْتَقْدِرُكَ بِقُدْرَتِكَ وَأَسْأَلُكَ مِنْ فَضْلِكَ الْعَظِيمِ فَإِنَّكَ تَقْدِرُ وَلَا أَقْدِرُ وَتَعْلَمُ وَلَا أَعْلَمُ وَأَنْتَ عَلَّامُ الْغُيُوبِ اللَّهُمَّ إِنْ كُنْتَ تَعْلَمُ أَنَّ هَذَا الْأَمْرَ خَيْرٌ لِي فِي دِينِي وَمَعَاشِي وَعَاقِبَةِ أَمْرِي فَاقْدِرْهُ لِي وَيَسِّرْهُ لِي ثُمَّ بَارِكْ لِي فِيهِ وَإِنْ كُنْتَ تَعْلَمُ أَنَّ هَذَا الْأَمْرَ شَرٌّ لِي فِي دِينِي وَمَعَاشِي

وَعَاقِبَةَ أَمْرِیْ فَاصْرِفْهُ عَنِّيْ فَاصْرِفْنِيْ عَنْهُ وَاقْدِرْ لِيْ
 الْخَيْرَ حَيْثُ كَانَ ثُمَّ أَرْضِنِيْ بِهِ .

“Ya Allah, aku memohon agar Engkau memilihkan mana yang baik pada ilmu Engkau ya Allah. Aku memohon agar Engkau memberikan kepastian melalui ketentuanMu dan aku memohon limpahan Engkau Yang Maha Agung, kerana sesungguhnya Engkau Yang Maha Berkuasa, walhal aku tidak tahu dan Engkaulah Yang Amat Maha Mengetahui segala sesuatu yang masih tersembunyi. Ya Allah, jika persoalan ini...(nyatakan persoalan anda itu di sini)...baik bagiku, baik bagi agamaku, dan baik bagi hidupku, maka mudahkanlah ia bagiku, kemudian berikanlah keberkatan didalamnya untukku. Ya Allah, jika sesungguhnya persoalan ini...(nyatakan persoalan anda itu di sini)... tidak baik bagiku, bagi agamaku dan penghidupanku, juga tidak baik akibatnya bagiku, maka jauhkanlah hal ini daripadaku, dan jauhkanlah aku daripadanya. Taqdirkanlah aku (dengan) kebaikan di mana sahaja aku berada kemudian jadikanlah aku orang yang redha atas anugerah Mu.”